

erantzuiguzu...



943 300 228



zuzendariari@jalgi.com

Modak bultzatzen al du anorexia?

■ Eragina izugarri du.

Ezin esan daiteke haren errua dela soilik, baina eragin handia du; horretan ez dut zalantzarik. Modak —komunikabideen laguntzaz, hein handi batean— edertasunaren ereduak zein diren ezartzen digu, eta guk, batik bat neska-tila gazteek, sinistu egiten dugu. Alegia, komunikabideetan neska eder moduan agertzen diren mode-

Ez dira argitaratuko izenik gabe iristen diren mezuak. Izen-abizenak eta telefono zenbakia eman behar dira. Laburtu behar izanez gero, zuzendaritzak badu horretarako eskubidea.

lo eskeletikoak eredu-tzat hartzen dituzte gazte askok, eta haien modukoak izan nahi dute. Eta, noski, gutako askok haien modukoak izan nahi badugu, horretarako gaixotu egin behar. Ezinezkoa baita bestela. Hor eztabaida serio eta sakona egin

beharko litzateke, eta edertasunaren neurriak aldatu egin beharko genituzke—denon artean—. Hori ezean, gazteek gaixotzen jarraituko dute, hein handi batean modaren eta komunikabideen erruz. **Elena Barrinagarrementeria** (Galdakao)

■ Modak eragina badu,

baina arazoa hori baino haratago doa. Gizarte osoan debate serioa egin beharko litzateke gaiaren inguruan. Nondik datorren, nola konpon daitekeen... Baina ezin ulertu dut komunikabide guztiak zergatik ari zireten orain horren inguruan hitz egiten, arazoa orain urte askotik datorkigu eta. **Juan Ordorika** (Gasteiz)



galdeiozu...

Jose Angel Guerda

GASTEIZKO ALKATEA

Mendebaldeko garapen ereduak esportatzen dira ekialdeko herrialdeetara, eta ez da hango garapen autokudeatua bultzatzen. Neokolonialismo mota berria?

Javi Aguillo [Gasteiz]



■ **MENDEBALDEKO BIZIMODUA** mundu osoan ezartzen ari da. Ezbairik gabe, joera horrek kalte egiten die zenbait herrialderi. Horregatik, gure betebeharrak laguntzea baino ez du izan behar; daukagun ona eskainiz, baina, aldi berean, haien bizimodua eta kultura babestuz.

Martxoaren 23tik aurrera

Patxi Zabaleta • HBKO PARLAMENTARIOA izango da Galdeiozu ataleko gonbidatua. Bidali zure galderak ordurako.



zuzendariari



Gudarien etorbidea, z/g 20140 Andoain

OHARRA: Ahalik eta iritzi gehienek izan dezaten tokia, ez da komeni makinazko 15 lerro baino luzeago idaztea gutun hauetan. Idatzi duenaren izena, telefonoa, helbidea eta NAREN zenbakia agertu beharko dira. Laburtu behar izanez gero, zuzendaritzak bere esku du horretarako eskubidea. Erdaraz iristen diren gutunak ez dira argitaratuko.

Alberto Barandiarani

Martxoaren 12ko EUSKALDUNON EGUNKARIAN Alberto Barandiaranek «Euskal Eskola Publikoaren aldeko elkarteak batu egingo dira las-ter» izenburupean idatzitako artikuluar dagokionez, bertan azaltzen diren pare bat gauza argitu nahi ditu Ikasbatuaz elkarteak:

1.- Azpi-izenburu gisa «Sortzen, Ikasbatuaz eta Ikas Bi taldeak biltzeko elkarte berria bihar aurkeztuko dute» esaldia azaltzen da.

Horri buruz, zera argitu nahi dugu: gure asmoa Euskal Herri osoan sare publikoan gauden ikastola-eskola euskaldunak biltzea bada ere, oraingoz ez dugu Iparraldeko egituraketa batere lotuta eta, momentuz, ez dago ezer adostua ez Ikas Bi ezta beste elkarte batzuekin ere. Iparraldeko taldeekin egituraketa hau bideratzen den bitartean, Sortzen eta Ikasbatuaz taldeen arteko elkarte jarriko dugu martxan.

2.- Beste alde batetik, Ikasbatuaz osatzen duten ikastolei buruz honako hau dio artikuluar: «...Hain zuzen ere, ikastolen Elkartearen barruan segitu ez eta sare publikoan sartzearen alde egin zuten ikastetxeak biltzen ditu Ikasbatuaz taldeak...».

Gure osaketari dagokionez, Ikasbatuaz Elkarte osatzen duten sare publikora bildutako 22 ikastoletatik 20 ikastolen Elkartearen kide direla argitu nahi dugu. Momentu honetan Ikastolen Elkartearen berregituraketa planteatu da, eta antolaketa berri horren ondorioz sare desberdinetako ikastolen arteko harremanak nolakoak izango diren aztertzen ari gara, baina, oraingoz, gure kide diren ikastola gehienek Ikastolen Elkartearen parte izaten jarraitzen dute.

Jakin badakigu Euskal Hezkuntzaren mundua ez dela ulerterraza, hamaikatxo taldek osatzen baitugu, eta bakoitza kokatzea zail samarra egiten zaigu denoi, barrenetik ari garenotik hasita; beraz, gaizki ulertzeak ekidin eta egoera pixka bat argitzeko baliagarri direlakoan egin nahi izan ditugu aurreko zehaztapenak.

Zehaztapen horiek eginda, gauza bat utzi nahi dugu argi: izaera publikoa izateak ez du esan nahi orain arte izandakoari uko egin diogunik, Ikastolen Elkartearen barruan zein kanpo egonda, ginenak gara, gure izaera juridikoa aldatu bada ere.

Horrekin zera adierazi nahi dugu: sare publikora bildutako ikastolok badugula esperientzia desberdin bat sare honi eskaintzeko, bere onura eta akats guztiekin, sare

publikoan gauden ikastetxe euskaldun guztiekin konpartitu nahi duguna, denon asmotan dagoen Euskal Eskola Publiko Berria lortzearen helburuarekin, bakoitzak duena aportatuz. **Marije Fullaondo** • DONOSTIA

Aitzakiak eta aitzakiak

Besterik ez digute jartzen Madriletik eta Parisetik konponbide politikoez hitz egiten hasterakoan. Lehen ETA zen aitzakia. Orain kaleborroka. Eta bihar beste zerbait izanen da. Udalerrien Biltzarra akaso. Beharbada, euskal nazionalisten eskakizunen gehiegikeria. Hurrena, Mayor Orejak, umore txarrez jaiki dela-eta, hamaikagarren aitzakia jarriko du mahai gainean. Proposamen politikorik ezean, mahai gainean aitzakiak, aitzakiak eta aitzakiak jartzen dihardute. Noiz arte? **Jon Ruiz** • DONOSTIA

• MONTXO •

